



Gol blong Rid

I kam long Chelsea Mortensen
(I kamaot long wan tru stori)

Stori ia i hapen YSA.

Anders i lisin long sista blong hem i stap rid long taem blong famli skripja stadi. Hem i traem blong folem long tablet blong hem. Be hem i had blong lukluk nomo long ol toktok.

Oltaem Anders i stap gat had taem blong rid. Las yia, hem i faenemaot se hem i gat disleksia. Disleksia hem i wan disabiliti blong lanem samting we i mekem i had blong rid. Bren blong hem i stap miksimap ol toktok mo ol leta, mo ol ae blong hem i stap go long nara pej taem hem i traem blong rid.

Sista blong hem i finis blong ridim ves blong hem, mo brata blong hem i ridim nekis ves. Be Anders i no rid. Hem i no laekem blong rid laod. Taem hem i mekem ol toktok long tablet blong hem i bigwan, i helpem hem smol. Be hem i no laekem nating we

riding blong hem i slo mo i no nomol. !Hem i mekem plante mistek! Hem i mas wok had from wan samting we i luk isi blong ol narawan oli mekem.

Taem oli rid finis, famli blong Anders i wajem wan vidio. Hem i abaot program blong Ol Pikinini mo Ol Yut.

"Putum ol gol blong yuwan we bae i jalenjem yu mo traem yu," Elda Gong i talem long vidio. "Faenem ol niu talen, intres, mo skil."*

Anders i tingting abaot ol gol we bae hem i putum. Ating hem i save lanem olsem wanem blong bekem ol kuki. O !pleplei futbol gud moa!

Afta hem i luk Buk blong Momon long tebol. I no saon olsem wan gud taem tumas blong traem rid moa gud. Be hem i wantem blong save ridim skripja wetem famli blong hem.

*Fes tu Fes wetem Elda Gerrit W. Gong (worldwide broadcast, Nov. 17, 2019), Gospel Laebri.

"Mi save se bae gol blong mi hem i wanem," hem i talem long Papa.

"?Wanem ia?" Papa i askem.

Anders i pikimap Buk blong Momon. "Mi wantem blong ridim wan ves blong Buk blong Momon laod evri dei."

"Hemia i wan gudfala gol tumas," Papa i talem. "?Yu wantem stat wetaem?"

"!Naoia!"

Anders i go long rum blong hem mo sareme doa. Hem i no wantem eni wan blong harem hem. Afta hem i openem Buk blong Momon blong hem. Hem i miksimap sam long ol toktok, be i tekem hem wan minit nomo blong finisim fas ves. *Hemia i no nogud tumas*, hem i tingting.

Anders i ridim wan skripja evri dei. !Hem i had! Hem i no filim tu se hem i stap kam moa gud. Be hem i gohed blong wok long hem.

Afta wan dei long skul, tija blong hem i se, "!Wao! Mi no save bilivim se yu stap lanem samting hariap olsem."

Anders i lukluk i kam antap long homwok blong hem. "?Tru?"

Tija blong hem i sakem hed blong agri. "Yu stap kam antap fulap."

Anders i lukluk daon long ol toktok long pepa blong hem. Hem i isi fulap moa naoia blong ridim olgeta bitim bifo. Gol blong hem blong praktis blong stap ridim ol skripja, i stap helpem hem blong lanem samting long skul.

Taem hem i kam long haos, hem i ron i go antap blong ridim ol skripja blong hem. Taem hem i lukluk pej, ol toktok oli gohed yet blong stap muvmuv raon. Be hem i moa isi long hem blong luksave wanem oli stap talem.

Anders i glad tumas from famli skripja stadi long naet ia.

"Ei, Papa," hem i talem. "?Mi save help blong rid tedei?"

Papa i smael. "!Bae mi laekem hemia!"

Anders i folem gud taem ol brata mo sista oli ridim wanwan ves. Taem hem i taem blong hem, hem i ridim ves slo blong mekem sua se hem i ridim evri toktok i stret. Afta we hem i finis blong rid, hem i lukluk antap. Evriwan i stap smael long hem.

Nomata we hem i no wan man blong rid we i stret evriwan, Anders i filim glad tumas long hemwan. Hem i save se taem hem i wok had, Papa long Heven oltaem bae i stap blong helpem hem. ●



OL PIKJA DRONG I KAM LONG KELLY SMITH